
EDITORIS MONITUM.

IN libro cui titulus *Caroli Arbuthnotii Tabulæ antiquorum nummorum, Mensurarum & Ponderum, &c. ex Anglica in linguam Latinam conversæ, opera Dan. Konigii M. D.* (1) exigit Clar. Arbuthnotius ad publicum Britannorum pondus *Troyense* (2) veterem Romanorum Libram: unde Denarii Consularis sive Atticæ Drachmæ atque utriusque nummi partium pondus declarat vir doctissimus. Nam isto Denario seu Drachmâ veluti pondere utebantur in suis *prescriptionibus* Medici veteres & Romani & Græci.

Huic igitur Atticæ Drachmæ seu Denario Consulari, qui Romanæ veteris uncia pondo pars septima est, attribuit

(1) In-4°. *Trajetti ad Renum, apud Hermannum Besseling, ubi vide pag. 13 & seqq. & iterum pag. 261 & seqq.*

(2) De isto Britannorum pondere quod *Troy Weight* dicunt, consule libellum cui titulus: *Mémoire de M. Tillet, de l'Acad. Roy. des Sciences, sur le rapport des Poids étrangers avec le Marc de France, in-4°.*

Clar. Arbuthnotius Anglica grana pondo
Troyensia $62 \frac{22}{49}$. Quâ re Romanam ve-
 terem unciam conficiunt eadem grana $437 \frac{1}{7}$.
 Et proinde vetus Romanorum libra
 pondo, quæ duodenas habuit uncias,
 constaret iisdem granis $3245 \frac{5}{7}$.

Ergo Consularis ille Denarius seu
 Drachma Attica penderet *Parisiorum* li-
 bræ pondo grana $76 \frac{27}{224}$. Ergo his *Pa-*
risiorum granis $532 \frac{182}{224}$ constaret vetus
 Romanorum uncia. Ergo vetus Romano-
 rum libra absolveretur iisdem *Parisiorum*
 granis $6394 \frac{1}{8}$. Unde juxta Arbuthnotii
 opinionem, sexta pars Atticæ Drachmæ
 sive Denarii Consularis, id est obolus,
 constaret *Parisiorum* granis $12 \frac{923}{344}$.

Verum obiter monendus est lector,
 aliter sensisse de veteris Romanorum libræ
 pondere Dominum DUPUY, virum Aca-
 demicum ut acris & accuratæ diligentia,
 sic ingenii atque Doctrinæ non vulgaris.
 Existimat enim constare veterem Roma-
 norum libram pondo 6300 duntaxat *Pa-*
risiorum granis: unde his granis quinque
 tantum & septuaginta (75) constaret
 Consularis ille Denarius sive Attica
 Drachma. Quod videsis in tom. 28,

pag. 647 & seqq. libri cui titulus: *Mémoires de l'Acad. Roy. des Inscrip. & Belles-Lettres*, in-4. Paris, Impr. Roy. 1761.

His præmissis, Lectori dilucidior erit hæc *Præscriptionum CELSI Expositio brevis*, quam fecit Clar. Arbuthnotius: videas in dictarum *TABB.* pag. 271 & seqq.

